

The Makuilongdi Express

Liangmai Daily Newspaper

“Mazibo niu ngamne”



Bishwamitra niu director thiubo khatdi Rabika niu ribo nai phungpadbo Makimai gu film “Ewaai” (The Ripple) niu 11th Delhi Shorts International Film Festival, 2022 gu thiujui Honourable Jury Award dou mide.

Thainai gu Lunar Eclipse jan hai Beaver Blood Moon chiujiu kukhai ye palamra thainai lunar eclipse hai Chahiu(Moon) ga kadipiri meng padjiu pagu machu niu hengria jiu padbo gasu Algonquian, Native Americans mailad gasu khoilu jiu pajan leng ‘Beaver Blood Moon’ chiujiu kukhai mide.



Zengtung 9 Matuingehiu 2022 Kadamnai Chiang PO Tamei ,Tamenglong Dist. Manipur Vol.01. Issue 28 page 1

Chakhiu chalan kengjiu daobo suang, nagu chamtan majaibo situ I masenne. Tathoilui 119:14

Chief Minister niu Manipur Sangai Festival 2022 Theme song hai lepad khaimide.

IT. Imphal **Mat. 9:** Chief Minister N Biren Singh niu thainai Official Theme Song title “Manipur” Sangai Festival 2022 gu jengtung 8, Matuingehiu nai CM Secretariat Office gasu lepad khaimide. Haibo theme song hai Folk singer Mangka Mayanglambam khatdi pagu team niu masinglu chalui thiupad bolui ye. N Biren Singh niu chalad dinjiu Sangai Festival hai Manipur gu thiujui festival kadih bowe sichiujiu haibo festival hai state ga ronna makjiu international level gadi changee suilu rabo phibam bam meh chiujiu dinne. Tingkum nia COVID-19 gasu mathak khaimi ye chiudi thaikum 2022 gu Sangai Festival ra changee madih jiu changee ra marang khaibam meh chiujiu dinsa khailan de. Cultural program khatdi tam-tambo program hai pabam 13 ga khaikiu ne khatdi Ahom, Nagaland maitu haibo changee ga kuwang ne chiujiu Manipur gu CM din bam me. Behiang khatdi Khoupum nkiujiu katambo pabam lamdi Sangai Festival gu events hai tadkiura marang khaibam me chiujiu dinne. Manipur Polo Internatinal Tournament ronna makjiu Sangol Kangjei game di Manung Kangjeibung, Kangla ga mathen raye chiujiu dinne. Mangka khatdi pakangmaitu thonkiu bocham dinjiu haibo Sangai Festival gu cond. in p2

Kuki Students’ Organisation Moltam Block niu NH-39 ga NHIDCL gu excavator matou mibo jengniu wanchak 24 lungga papou phiupad maksai indefinite blockede kammi raye.



Mat. 9: Kuki Students Organisation niu paliu lung kamak bo thainai jengtung 8 machanai dinpad khai lan bam mide, delosai danai jengtung 7 Mennai NHIDCL gu mania kam masa mibo lam ganiu we. Danai wanchak 6:30pm, Machanai, National highway 39, kangpokpi district, Biang khatdi Thanglongbung, New keithelmambi Police Station hangga bambo nam ga palun simak mainiu chapot mania (excavator) chami matou khaimi ye chiujiu dinne.

Assam-Nagaland Border, Sivasagar Dist. ga Night Curfew khaimide.

Mat. 9: Additional District Magistrate (ADM) Sivasagar, Assam niu thai jengtung 8, Matuingehiu, Machanai 6:00pm gasu 6:00am katang night curfew hai Assam, 5km Sivasagar District Nagaland border ga khaimide. ADM, Sivasagar niu dinjiu haibo night curfew hai khaibambo si chalad chalui wimak bo donniu chakhon chara padmi makra khaibam boi chiudin ne. Sivasagar ga kabambo papi-para thiumainiu dinjiu tuhoi curfew khaibambo

Tuhoi KSO niu malum masaju haibo ngamkam hai NSCN-IM gu ngamkam me chiujiu dinne. KSO Moltam Block mainiu di tuhoi chakhon kasa padbam me chiubokhon chiulujiu haibo bam ga hameng khaiye. Chiujiu haibo bam ga mengboga chaganmi mania thinmai maksai chamai tu kam masa suibo chapot mania thinlujiu Gunpoint kamlu driver mai maksai changam kambam maitu paliu lung pomjiu chalad kasa

Centre niu Rangkang 7183.42 crore revenue deficit grant hai 14 State leng pipad mide

Revenue Deficit Grant hai Centre lamsu Rangkang 7183.42 Crore State kariumadai leng pipad mide khatdi Manipur leng thiujui Rangkang 192.50 crore hai pipad mide chiujiu dinne. Department of expenditure , Union Finance Ministry hai tuhoi Manipur State leng thiujui Rangkang 57,467.33 crore hai Revenue Deficit Grant gu thiujui pikhai mide chiujiu dinne. Monthly Installment thiujui tuhoi Post Devolution Revenue Deficit (PDRD) gu 8 installment pipadjiu rangkang 7183.42 crore hai 14 states leng pikhai mide nkiujiu Rangkangfg 192.50 crore hai Manipur State leng thiujui pikhai de. Fifteenth Finance Commission niu Post Devolution Revenue Deficit Grant hai Rangkang 86,201 crore si state 14 leng thiujui tingkum 2022-23 leng pikhai ye. Haibo state kariumadai sai;

Karingting Lunlung



@@@Tamenglong Time niu organised thiubo Tawoina/ Takouleng tu photo kepbo gu alat ga ania di joura kamkhe.

###Nagu Camera kawibo bamba? Photo maniu airgun kep alat sara airgun agu bambi suibo.

Kamoubo phungpad mi makjiu sibo malinga kuak khaibo phiu padlo

Editorial

Charaniu aliu Liangmai lengdi ningting kawi-kawi kengjiu pikhai bamme. Tadmibo kating kenga aliu zatdi mathen tasuat wangbo wanga pachat-pachat mathen bamniu we. Kabuipi hengbo, Tom phenbo, Tachiu-tajuang, Kamai phungbo, Chaga thiubo, Manu aliatbo khatdi tam-tambo mathen kengjiu bamniu we. Maira paliu gu mathen tu kadihri sichia khaira matanne chiudi aliu ra maigu mathen tu ronna achun khaijiu agu kawibo situ mangai kam mide. Wasimai aliu zatmai aliudi suisai aliu zat gu mathen (Liangmai Indegenous Game, Sport meet) panai jan leng kawibo jaiga mathak lujiu aliu culture gu mathen hai kadihri sichia khaira matan khe.

Centre niu Rangkang 7183.42 crore revenue...

contd from p1.

Andhra Pradesh, Assam, Himachal Pradesh, Kerala, Manipur, Meghalaya, Mizoram, Nagaland, Punjab, Rajasthan, Sikkim, Tripura, Uttarakhand, West Bengal. Department of Expenditure lamsu haibo States dungleng hai 12 inatallment tang pikhai raye chiujiu dinbam me

Kuki Students' Organisation Moltam Block niu NH-39 ga NHIDCL gu.. contd from p1

dinjiu kam kapin khaiye chiujiu dinne. Paliu lun sikamak mainiu paliugu chaganmisi di khoilen khaibo ronna makjiu telephone number 9362591819 paliu gu che ga roulu khaidia ye chiujiu chiudin ne. KSO mainiu tuhoi haikumbo ngam kamkhaijiu bambo tu paliu lung aman mak ge khatdi tuhoi 24 hours lungga paliu tu min milo chiujiu chalad tan jiu dinsan khailande. Haichiujiu 24 hours lungga paliu tu minlu maksai KSO niu Indefinte Bandh National Highway 39 ga blockade kam mira ye chiujiu dinkhai de. Haibo bandh hai NH 39 (Imphal-Jiri) jengtung 9 Matuingeehiu 2022 gasu houmi raye chiujiu dinne.

Chief Minister niu Manipur Sangai Festival 2022 Theme song hai lepad...

contd from p1

Theme Song hai thainai Chairman, Tourism pahniu launch thiukhai Corporation of Manipur Ltd. mibo kumjiu wathen makjiu Karam Shyam, internet maksai tam-tambo Commissioner(tourism) P.K. media ga khaipad mira ye Jha, Director(tourism) chiujiu dinne. Haibo Sangai W.Ibohal khatdi folk singer Festival gu official theme Mangka Mayanglambam song launch thiuboga Rajya khatdi Parliament gu Sabha Maharaja Leisemba members mai niu wang Sanajaoba, padam lu macham kahi ye.

AMUR FALCON PHOTO CONTEST
 Theme: **Shoot Me With Your Cam**
 SUBMIT YOUR AMUR FALCON PHOTOS AND VIDEOS TO WIN EXCITING PRIZES

Digital Camera	Mobile Video
1st Prize - ₹5000	1st Prize - ₹5000
2nd Prize - ₹3000	2nd Prize - ₹3000
3rd Prize - ₹2000	3rd Prize - ₹1000
4th Prize - ₹1000	4th Prize - ₹500

Submit your photos and videos to: amur@tamilnadu.com or amurphoto@tamilnadu.com

Sponsors: Local MLA Tml, Panmei Meingam Heritage Foundation, Dr. Chambou Gonmei, Dr. Salam Rajesh, Christian Heritage Institute (CHI) Traders Assn. Tamenglong (TAT)

LMAAN 27TH SPORTS MEET 2023
LIANGMAI SPORTS ASSOCIATION
 Assam, Manipur & Nagaland.
 "Excel for Glory"

FIXTURE KASIAMBO TIENRANG
 LSA HEAD OFFICE, TAMER, TAMENGLONG, MANIPUR
 Jengtung : 15th Nov. 2022

Pawan : 10:30 Nuan

Tachamdinpaoo : Rev. Dr. Malinglungbou Pemai
 Chiang Baptist Church LNBA (M)

Jupao : Lunglinbou Chawang
 Vice President, LSA

MADUI JAI

Lepadbo Lui :
 Lepadbo Kheng : Rev. H. Kabonang
 Pastor, TBC Tamer

Jungou Cham : Stephen Chawang
 President, LSA

Fixture Khaso Wan

Kadunbo Cham : Tachamdinpaoo
 Kaloibo Lui :
 Kaloibo Kheng : Rev. Kaidom
 Pastor, Centre Church Tamer

PISIKHAIBO Marah thiuniumai leng tasen chalan n-khakhai suibo npui bamme.

Soukummai pagu rapot sukjiu maraji tasen chalan wangtang lakjiu bammai leng Tribal Affairs & Hills Department, Govt. of Manipur hang gasu Grant of Financial Assistance for Medical Treatment of Schedule Tribes Patients Scheme padjiu bambo hai voluntarily/ matha gasu pakjiu kasiam khai suiye. Pageng bambo documents sai:

1. Aadhar card xerox
2. 2 passport copies
3. Tribe and Income Certificates
4. Xerox copy of Bank Account of the patient.
5. Last date 30/11/2022.

Marahjiu bambo kikhun dungtu nkha ngam makdi govt. niu pipad bambo scheme poi nadi dou lujiu genglu suisai chiujiu voluntarily taliu khai bambo we. Thonkiu de. Appolos T. Panmei Social worker. Phone no. 9774616441

Mathen cham



Liverpool forward Roberto Firmino tu Brazil team ga thaikum 2022 gu world ga pijiu mathen lak ge chiujiu Coach Tite niu Mennai jengtung 7 bonai dinpad mide. Brazil gu squad khatdi paliugu Coach Tite hai Matuingeehiu 14 bonai Turin, Juventus Training khaiga aruang rayeh khatdi Brazil niu haibo bam ga 5 day training camp bam neh sichiulujiu paliu hai Matuingihui 19 bonai Doha ga tad lan suneh. Brazil niu Matuingihui 24 bonai Qatar ga Serbia tu mathen neh khatdi FIFA World Cup gu fixture saisuijiu Group-C, Switzerland nai Cameroon mathen adoulan suneh.